

Minister Plenipotenciario a ricibi CD di Ola Caribense



Den Haag, HULANDA – For di man di dirigente di e agrupacion musical Ola Caribense sra. Adillée Praag, Minister Plenipotenciario di Aruba sr. Alfonso Boekhoudt a ricibi un ehemplar di nan CD “Timeless”. E CD di Ola Caribense ta den cuadro di celebracion di

nan prome lustro. E CD ta contene areglonan inspira pa musica tradicional di Aruba, Bonairo y Curaçao. Esaki ta resultado di un cooperacion masha bunita y estrecho entre e nucleo fiho di musiconan cu diferente compositor, areglista y musiconan invita – tur di dife-

rente nacionalidad, edad y experiencia musical bou di e liderazgo inspirador di Adillée Praag di Curaçao.

Nan ta bini hunto cu e ambicion di Ola Caribense pa mantene e musica tradicional Antiyano bibo.

Por sinti e saus Arubano entre otro den e wals “Anette” di Rufo Wever y e wals hopi conoci “‘Na mi un chens” di Padu del Caribe. E version special di ‘Na mi un chens” ta canta pa e duo cu ta consisti di ex Minister Plenipotenciario di Aruba Edwin Abath y e cantante Curasoleño Yumarya Grijt.

Sr. Boekhoudt a gradici sra. Praag pa e CD y a bisa di lo bai disfruta di e musica di Ola Caribense.

Na un otro ocasion e miembronan di e banda tambe a ricibi un ehemplar di e CD. Ariba e potret e momento di entrega na violinista Mina



Honma, kende a toca den tur e piesanan ariba e CD. Tambe e ta activo den Ola Caribense

desde cu e agrupacion a lanta y e ta haci areglo pa violon y cello y tambe fluit.